

Teideal an Phoist: Oifigeach Óige

Suíomhanna x 1

1. Gaeltacht Uíbh Ráthach agus ceantar leithinse Uíbh Ráthach', Co. Chiarraí

Freagrach do: Bainisteoir Ceantair

Uiareanta Oibre: 35 uair in aghaidh na seachtaine, ar a laghad

Saoire Bhliantúil: 29 lá in aghaidh na bliana

Faoi: Foróige

Is eagraíocht neamhspleách, neamhbhrabúis, náisiúnta dheonach do dhaoine óga í **Foróige**, a bhíonn ag plé le forbairt agus oideachas daoine óga lasmuigh den scoil. Cuireann an eagraíocht ar chumas daoine óga a bheith rannpháirteach go feasach agus go gníomhach ina bhforbairt féin agus i bhforbairt na sochaí. Tá breis agus 600 ball foirne fostaithe ag Foróige agus bíonn na mílte oibrí deonach páirteach i gcruthú agus i seachadadh seirbhísí ar ardchaighdeán do dhaoine óga trí fheidhmiú os cionn 400 Club Foróige faoi stiúir oibrithe deonacha, an Clár Meantóireachta agus os cionn 140 Seirbhís Óige agus Tionscadal Speisialta.

Eolas faoin Ról

Is tionscadal píolótach trí bliana é an tionscnamh seo, atá faoi réir maoinithe agus meastóireachta. Tá an tionscadal maoinithe go comhpháirteach ag roinnt páirtithe leasmhara – An Roinn Oideachais & Óige, BOOCh, Gaeilge Iorrais, Muintearas Teo, Coiste Ghaeltacht Uíbh Ráthaigh, Comharchumann Forbartha Chorca Dhuibhne, Dúchas an Daingin agus Glór na nGael.

Is tionscadal úrnua agus nuálach é seo a thabharfaidh deis do dhaoine óga sóisialú agus páirt a ghlacadh i gcláir agus i ngníomhaíochtaí trí mheán na Gaeilge. Beidh an tOifigeach Óige freagrach as obair óige uilíoch a chur ar fáil do dhaoine óga in Uíbh Ráthach.

Beidh plean oibre á fhorbairt i gcomhar le hOifigigh Pleanála Teanga na gceantar Gaeltachta agus le daoine óga trí Ghaeilge.

Beidh baint ag an obair le hoibrithe deonacha, pobail agus páirtithe leasmhara chun daoine óga a aithint agus a mhealladh. Is é an príomhfhocas ná clár oibre óige a chruthú do gach duine óg trí Ghaeilge.

Príomhfhreagrachtaí

Beidh dualgais na nOifigeach Óige á leagan síos ag Comhairle Náisiúnta na hEagraíochta agus/nó ag an bPríomhoifigeach Feidhmiúcháin nó ionadaí dá c(h)uid. Áirítear ar na dualgais seo:

Ag obair le daoine óga idir 8 agus 24 bliain d'aois ó cheantair Ghaeltachta atá ag iarraidh páirt a ghlacadh i gcláir oibre óige trí Ghaeilge.

Comhordú agus seachadadh tionscnaimh oibre óige, pobal bhunaithe agus clár samhraidh go díreach do dhaoine óga i gceantar Gaeltachta Uíbh Ráthach agus ceantar leithinse Uíbh Ráthaigh.

Ag obair le pobal Ghaeltachta i gceantar Gaeltachta Uíbh Ráthach le gairmithe eile chun daoine óga a aithint don Tionscadal.

Freagracht as dearadh, eagrú/comhordú agus cur i bhfeidhm clár oideachais agus tacaíochta leis an spriocghrúpa de dhaoine óga, trí Ghaeilge.

Tacaíocht a fháil ó thuismitheoirí, baill teaghlaigh agus oibrithe deonacha eile agus iad a chumasú le bheith rannpháirteach go héifeachtach leis an spriocghrúpa i ngníomhaíochtaí forbartha óige.

Soláthar de thograí eile i réimse na hoibre óige lena n-áirítear dearadh, éascú agus meastóireacht ar chlár samhraidh, clár do laethanta saoire scoile agus obair dheireadh seachtaine ó am go chéile, ar fad trí Ghaeilge.

I dteannta le hoibrithe óige eile agus oibrithe deonacha, soláthar oibre for-rochtana (uaireanta oíche) agus roinnt oibre dheireadh seachtaine.

Freastal ar chruinnithe agus ullmhú tuairiscí scríofa de réir mar is gá don Choiste Bainistíochta/Comhairleach agus do mhaoinitheoirí.

Rannpháirtíocht i bpróiseas meastóireachta gníomhaíochta-taighde chun cumas a fhorbairt le daoine óga, cleachtóirí oibre óige agus páirtithe leasmhara chun scrúdú a dhéanamh ar na bunphrionsabail a bhaineann le hobair óige éifeachtach, trí mheán na Gaeilge.

Earcaíocht agus oiliúint oibrithe deonacha le bheith ag obair i gcomhpháirt leis an bhfoireann.

Ag tuairisciú do Bhainisteoir Foróige.

Aon dualgais ábhartha eile a mheasfaidh bord Foróige agus/nó an Príomhoifigeach Feidhmiúcháin nó ionadaí dá c(h)uid, riachtanach chun beartas agus cláir Foróige a chur i bhfeidhm go héifeachtach.

Cáilíochtaí Gairmiúla agus Taithí (R = Riachtanach; I = Inmhianaithe)

- Líofacht sa Ghaeilge (R)
- Oideachas go caighdeán Dioplóma Náisiúnta nó Céime (nóta: féadfar iarrthóirí a mheas bunaithe ar thaithí oibre ábhartha, eisceachtúil in ionad cáilíochtaí céime) (R)
- Taithí, íoctha nó dheonach, ag obair le daoine óga (I)
- Rochtain ar charr agus ceadúnas tiomána lán Éireannach ®

Sonraíocht an Duine (Gach Ceanglas Riachtanach)

- Cumas caidrimh éifeachtacha a thógáil agus a chothabháil le daoine óga
- Scileanna maithe idirphearsanta, lena n-áirítear an cumas dul i dteagmháil le réimse leathan teagmhálaithe agus caidrimh oibre éifeachtacha a chothabháil
- Tiomantas agus dúthracht i leith na Gaeilge a chothú mar theanga bheo
- Caighdeán den scoth maidir le cruinneas agus aird ar mhionsonraí
- Cumas a bheith gníomhach, feidhmiú as do stuaim féin agus obair go héifeachtach i dtimpeallacht ghnóthach agus fanacht dearfach agus solúbtha i dtreo na hoibre foirne
- Scileanna scríbhneoireachta den scoth, lena n-áirítear tuairiscí a scríobh agus cumas faisnéis achoimrithe agus comhfhreagras a dhréachtú
- Cumas treoirlínte agus próisis eagraíochtúla a leanúint
- Scileanna ríomhaireachta maithe, lena n-áirítear Word & Excel, PowerPoint agus scileanna sna meáin shóisialta

Riachtanais do gach ball foirne Foróige (Gach Ceanglas Riachtanach)

- Tiomantas do chuspóir Foróige agus oibriú laistigh de luachanna, beartais agus nósanna imeachta na heagraíochta
- Gníomhú go comhsheasmhach ar bhealach gairmiúil i gcónaí
- Páirt a ghlacadh i maoirseacht rialta le do bhainisteoir líne
- Riachtanais oiliúna a aithint le do bhainisteoir líne agus páirt a ghlacadh i ndeiseanna oiliúna cuí don ról
- Solúbthacht maidir le huairéanta oibre chun freastal ar riachtanais na hoibre. Tá sé riachtanach go mbeidh tú ar fáil chun oibriú roinnt tráthnónta déanacha sa tseachtain agus roinnt oibre dheireadh seachtaine

Grinnfhiosrúchán an Gharda Síochána: Beidh gá le Grinnfhiosrúchán an Gharda Síochána a dhéanamh ar iarrthóirí atá á meá maidir le fostaíocht le Foróige.

Moltóirí: Don iarrthóir rathúil, déanfar teagmháil le beirt mholtóirí sula dtosaíonn an té sin ag obair le Foróige.

Maoiniú: Ní mór a thuiscint, má chuirtear deireadh leis an maoiniú don phost, go bhféadfar conradh an té a cheapfar a fhoirceannadh.

Uaireanta Oibre: Beidh solúbthacht ag teastáil maidir le huaireanta oibre sa phost seo. Táthar ag súil go n-oibreoidh an tOifigeach Óige trí thráthnónta/oícheanta déanacha sa tseachtain (go dtí 10i.n) agus go mbeidh obair dheireadh seachtaine i gceist, go rialta.

Tuarastal:

Oibrí Óige: €37,436, €38,994, €40,552, €42,113, €43,671, €45,235, €46,798, €49,127, €51,457

Taisteal: Beidh taisteal intíre laistigh d'Éirinn i gceist leis an bpost seo agus cruinnithe ó am go chéile. Íocfar costais taistil agus eile de réir rátaí cuí Foróige. [Anseo](#)